



王士正云常戲論唐人
詩王維佛語孟浩然著
薩語劉春虛韋應物祖
師語柳宗元穀聞薛支
語李白常建飛仙語杜
甫聖語陳子昂真靈語
張九齡典午語名士語
岑參劍仙語韓愈英雄
語李賀才鬼語盧仝巫
現語李商隱韓滉兒女
語蘇軾有菩薩語有劍
仙語有英雄語獨不能
作聖語佛語耳

唐賢三昧集卷中

濟南 王士禎 編

孟浩然

沈云萊陽詩從靜悟得之故語淡而味終不薄此詩品也然比右丞之渾厚尚非魯衛

登江中孤嶼贈白雲先生王迥

悠悠清江水。水落沙嶼出。迴潭石下深。綠篠岍岍密。鮫人潛不見。漁父歌自逸。憶與君別時。汎舟如昨日。夕陽開返照。中坐興非一。南望鹿門山。歸來恨如失。

秋登蘭山寄張五

北山白雲裏。隱者自怡悅。相望試登高。心隨雁飛滅。愁回薄暮起。興

鍾云浩然詩當於清遠中尋其靜遠之趣豈可故作清態飾其寒窘為不讀書不深思人便問若右丞詩雖欲竊其似以自文不可得矣此王孟之別也

是清秋發時見歸村人。平沙渡頭歇。天邊樹若薺。江畔洲如月。何當載酒來。共醉重陽節。

湖中旅泊寄閩九司戶防

桂水通百粵。扁舟期曉發。荆雲蔽三巴。夕望不見家。襄王夢行雨。才子謫長沙。長沙饒瘴癘。胡為苦留滯。久別思款顏。承歡懷接袂。接袂杳無由。徒增旅泊愁。清猿不可聽。沿月下湘流。

宿揚子津寄長山劉隱士

所思在建築。欲往大江深。日夕望京口。烟波愁我心。心馳茅山洞。目極楓樹林。不見少微隱。星霜勞夜吟。

夏日南亭懷辛大

山光忽西落。池月漸東上。散髮乘夜涼。開軒卧閑敞。荷風送香氣。竹露滴清響。欲取鳴琴彈。恨無知音賞。感此懷故人。中宵勞夢想。

尋香山湛上人

朝遊訪名山。山遠在空翠。氛氳亘百里。日入行始至。杖策尋故人。解鞍暫停騎。石門殊豁險。篁筴轉深邃。法侶欣相逢。清談曉不寐。平生慕真隱。累日求靈異。野老朝入田。山僧暮歸寺。松泉多逸響。苔壁饒古意。谷口聞鐘教。林端識香氣。願言投此山。身世兩相棄。

宿天台桐柏觀

海行信風帆。夕宿逗雲島。緬尋滄洲趣。近愛赤城好。捫蘿亦踐苔。輟

沈云荷風竹露佳章亦佳句也外又有微雲淡河漢疎雨滴梧相句一時歎為清絕

棹恣探討。息陰憇桐柏。采秀弄芝草。鶴唳清露垂。雞鳴信潮早。願言
解纓紱。從此無煩惱。高步凌四明。玄蹤得三老。紛吾遠遊意。學彼長
生道。日夕望三山。雲濤空浩浩。

峴潭作

石潭倚隈隩。沙岸曉黃緣。試垂竹竿釣。果得槎頭鱖。美人騁金錯。織
手繪紅鮮。回謝陸內史。尊羹何足傳。

題終南翠微寺空上人房

翠微終南裏。雨後宜返照。閉關久沈冥。杖策一登眺。遂造幽人室。始
知靜者妙。儒道雖異門。雲林頗同調。兩心喜相得。畢景共談笑。暝還

沈云自然得之

高窗眠時見。遠山燒緬懷。赤城標更憶。臨海嶠風泉有清音。何必蘇

門

宿業師山房待丁大不至

夕陽度西嶺。羣壑修已暝。松月生夜涼。風泉滿清聽。樵人歸欲盡。煙
鳥棲初定。之子期宿來。孤琴候蘿逕。

耶溪汎舟

落景餘清暉。輕橈弄谿渚。澄明愛水物。臨汎何容与。白首垂釣翁。新
妝浣紗女。相看似相識。脉脉不得語。

彭蠡湖中望廬山

沈云山水清音儵然
自遠末二句見不至
意

太。虛。生。月。暈。舟。子。知。天。風。挂。席。候。明。發。眇。漫。平。湖。中。中。流。見。匡。阜。勢。
壓。九。江。雄。黠。默。容。齷。色。崢。嶸。當。曉。空。香。爐。初。上。日。瀑。布。噴。成。虹。久。欲。
追。尚。子。况。茲。懷。遠。公。我。來。限。于。役。未。暇。息。微。躬。淮。海。途。將。半。星。霜。歲。
欲。窮。寄。言。岩。栖。者。畢。趣。當。來。同。

登鹿門山

清。曉。回。興。來。乘。流。越。江。峴。沙。禽。近。方。識。浦。樹。遙。莫。辨。漸。至。鹿。門。山。
明。翠。微。淺。岩。潭。多。屈。曲。舟。楫。屢。迴。轉。昔。聞。龐。德。公。采。藥。遂。不。返。金。磧。
餌。芝。朮。石。床。卧。苔。蘚。紛。吾。感。蒼。蒼。結。纜。事。攀。踐。隱。蹟。今。尚。存。高。風。邈。
已。遠。白。雲。何。時。去。丹。桂。空。偃。蹇。揆。討。意。未。窮。迴。艫。夕。陽。晚。

遊明禪師西山蘭若

西。山。多。奇。狀。秀。出。倚。前。楹。亭。午。收。彩。翠。夕。陽。照。分。明。吾。師。住。其。下。禪。
坐。證。無。生。結。廬。就。嵌。崖。剪。茗。通。運。行。談。空。對。樵。叟。授。法。与。山。精。日。暮。
方。鉢。去。田。園。歸。冶。城。

疾愈過龍泉寺精舍呈易業二公

亭。午。聞。山。鐘。起。行。散。愁。疾。尋。林。采。芝。去。谷。轉。松。蘿。密。倚。見。精。舍。開。長。
廊。飯。僧。畢。石。渠。流。雪。水。金。子。耀。霜。橘。竹。房。思。舊。遊。過。憩。終。永。日。入。洞。
窺。石。髓。傍。崖。採。蜂。蜜。日。暮。辭。遠。公。席。溪。相。送。出。

萬山潭作

沈云不必刻深風骨自異

鍾云浩然詩常為淺薄一路人藏拙當於此等處着眼看其氣韵起止處

垂釣坐磐石。水清心益閒。魚行潭樹下。猿挂島藤間。遊女昔解佩。傳聞於此山。求之不可得。沿月棹歌還。

早發漁浦潭

東旭早光芒。渚禽已驚聒。卧聞漁浦口。橈鼓暗相撥。日出氣象始知江路濶。美人常晏起。照影弄流沫。飲水畏驚猿。祭魚時見獺。舟行自無悶。况值晴景豁。

鍾云厚甚

歲暮海上作

仲尼既云沒。余亦浮于海。昏見斗柄迴。方知歲星改。虛舟任所適。垂釣非有待。為問乘槎人。滄洲復何在。

聽鄭五彈琴

阮籍推名飲。清風滿竹林。半酣下衫袖。拂拭龍唇琴。一杯彈一曲。不覺夕陽沉。予意在山水。聞之諧夙心。

和張二自穰縣還途中遇雪

風吹沙海雪。漸作柳園春。宛轉隨香騎。輕盈伴玉人。歌疑郢中曲。態比洛川人。今日南歸楚。雙飛似入秦。

望洞庭湖贈張丞相

八月湖水平。涵虛混太清。氣蒸雲夢澤。波撼岳陽城。欲濟無舟楫。端居恥聖明。坐觀垂釣者。徒有羨魚情。

沈云起法高渾三四雄潤足均題稱

沈云孟詩勝人處每無意求工而清越越俗正復出人意表清淺語誦之自有泉流石上風采松下之音

沈云下平上張丞相

鍾云人知其雄大不知其溫厚

宿永嘉江寄山陰崔少府國輔

我行窮水國。君使入京華。相去日千里。孤帆天一涯。卧聞海潮至。起視江月斜。借問同舟客。何時到永嘉。

夜泊廬江聞故人在東寺詩寄之

江路經廬阜。松門入帝谿。聞君尋寂樂。清夜宿招提。石鏡山精怯。禪枝怖鷓棲。一燈如悟道。為照客心迷。

宿桐廬江寄廣陵舊遊

山暝聽猿愁。滄江急夜流。風鳴兩岸葉。月照一孤舟。建德非吾土。維揚憶舊遊。還將兩行淚。遙寄海西頭。

澗南即事貽皎上人

弊廬在郭外。素產唯田園。左右林野曠。不聞朝市喧。釣竿垂北澗。樵唱入南軒。書取幽棲事。將尋靜者論。

九日懷襄陽

去國似如昨。倏然經杪峴。山望不見風。景令人愁。誰采籬下菊。應開池上樓。宜城多美酒。歸去葛疆遊。

初出關旅亭夜坐懷王大校書

向夕檉烟起。葱蘢池館曛。客中無侶坐。關外惜離羣。燭至螢光滅。荷枯雨滴聞。永懷芸閣友。寂寞滯揚雲。

沈云孟公每高於起
手故高而不寒

早寒江上有懷

沈云孟公每高於起
手故高而不寒
木落雁南度。北風江上寒。我家襄水曲。遥隔楚雲端。鄉淚客中盡。孤帆天際看。迷津欲有問。平海夕漫漫。

留別王侍御維

寂寂竟何待。朝朝空自歸。欲尋芳草去。惜与故人違。當路誰相假。知音世所稀。祇應守寂寞。還掩故園扉。

廣陵別薛八

士有不得志。栖栖吴楚間。廣陵相遇罷。彭蠡汎舟還。檣出雲中樹。波連海上山。風帆明日遠。何處更躋攀。

与諸子登峴山作

人事有代謝。往來成古今。江山留勝蹟。我輩復登臨。水落魚梁淺。天寒夢澤深。羊公碑尚在。讀罷淚沾襟。

尋天台山

吾友太乙子。餐霞卧赤城。欲尋華頂去。不憚惡溪名。歌馬憑雲宿。揚帆截海行。高高翠微裏。遥見石梁橫。

晚泊潯陽望廬山

挂席幾千里。名山都未逢。泊舟潯陽郭。始見香爐峰。常讀遠公傳。永懷塵外蹤。東林精舍近。日暮坐聞鐘。

沈云清遠之作不須
攻苦著力

武陵汎舟

武陵川路狹。前棹入花林。莫測幽源裏。仙家信幾深。水廻青嶂合。雲度綠谿陰。坐聽閑猿嘯。弥清塵外心。

遊精思觀迴王白雲在後

鍾伯敬云一首陶詩却入律中妙可尋

譚友夏云妙在無迹

出谷未亭午。至家日已曛。迴瞻下山路。但見牛羊羣。樵子暗相失。草蟲寒不聞。衡門猶未掩。佇立望夫君。

妙甚車中句尤微

譚云好靜好客之意皆有

鍾伯敬云樵子羣出看出在後

題大禹寺義公房

義公習禪處。結構依空林。戶外一峯秀。堦前衆壑深。夕陽連雨足。空翠落庭陰。看取蓮花淨。應知不染心。

澹漠云空中色象

裴司士負司戶見尋

府僚能枉駕。家醞復新開。落日池上酌。清風松下來。厨人具雞黍。稚子摘楊梅。誰道山公醉。猶能騎馬回。

李氏園卧疾

我愛陶家趣。林園無俗情。春雷百卉坼。寒食四鄰清。伏枕嗟公幹。歸田羨子平。年年白社客。空滯洛陽城。

歲暮歸南山

北闕休上書。南山歸敝廬。不才明主棄。多病故人疎。白髮催年老。青陽逼歲除。永懷愁不寐。松月夜窗虛。

舟中曉望

挂席東南望。青山水國遙。舳舻爭利涉。來往接風潮。問我今何適。天台訪石橋。坐看霞色晚。疑是赤城標。

夜泊牛渚越薛八船不及

星羅牛渚夕。風退鷁舟遲。浦溆常同宿。烟波忽間之。榜歌空裏失。船火望中疑。明發汎湖海。茫茫何處期。

夜渡湘水

客舟貪利涉。闇裏渡湘川。露氣聞芳杜。歌聲識采蓮。橋人投岸火。漁子宿潭烟。行侶時相問。潯陽何處追。

永嘉上浦館送張八子容

逆旅相逢處。江村日暮時。衆山遙對酒。孤嶼共題詩。解字鄰鮫室。人烟接島夷。鄉園萬餘里。失路一相悲。

宿武陽即事

川暗夕陽盡。孤舟泊岸初。嶺猿相叫嘯。潭影似空虚。就枕滅明燭。扣舷聞夜漁。雞鳴聞何處。人物是秦餘。

陪張丞相自松滋江東泊渚宮

放溜下松滋。登舟命楫師。詎忘經濟日。不憚沍寒時。岸幘豈獨古。濯纓良在茲。政成人自理。機息鳥無疑。雲物凝孤嶼。江山辨四維。晚來

風稍緊。冬至日行。遲獵響。驚雲夢。漁歌激楚辭。渚宮何處是。川暝欲安之。

西山尋辛諤

漾舟乘水便。回訪故人居。落日晴川裏。誰言獨羨魚。石潭窺洞澈。沙岸歷紆徐。竹嶼見垂釣。茆齋聞讀書。款言忘景夕。清興屬涼初。回也一瓢飲。賢哉常晏如。

夜泊宣城界

西塞沿江島。南陵問驛樓。湖平津濟潤。風止客帆收。去去懷前事。茫茫汎夕流。石逢羅刹礙。山泊敬亭幽。火識梅根冶。烟迷楊葉洲。離家

復水宿。相伴賴沙鷗。

送杜十四之江南

荆吳相接水為鄉。君去春江正淼茫。日暮征帆何處泊。天涯一望斷人腸。

王昌齡

塞下曲

蟬鳴空桑林。八月蕭關道。出塞復入塞。處處黃蘆草。從來幽并客。皆共塵沙老。莫學遊俠兒。矜誇紫騮好。飲馬渡秋水。水寒風似刀。平沙日未沒。黯黯見臨洮。昔日長城戰。咸

言意氣高黃塵足今古白骨亂蓬蒿

鄭縣宿陶太公館中贈馮六元二

儒有輕王侯脫畧當世務本家藍田下非為漁弋故無何困躬耕且
欲馳永路幽居与君近出谷同所驚昨日辞石門五年變秋露雲龍
未相感干謁亦已屢子為黃綬羈余忝蓬山願京門望西岳百里見
郊樹飛雨祠上来諳然関中暮驅車鄭城宿秉燭論注素山月出華
陰開此河渚霧清光比故人豁達展心晤馮公尚載翼元子仍躅步
張范善終始吾等豈不慕罷酒當涼風屈伸備冥數

聽彈風入松関贈楊補闕

商風入我絃夜竹深有露絃悲与林寂清景不可度窸落幽居心聽
颯青松樹松風吹草白溪水寒日暮殺意去復還九變待一顧空山
多雨雪獨立君始悟

緱氏尉沈興宗置酒南谿留贈

沈云絃外之音味外之音可想不可說

林色与谿古幽篁引深翠山樽在漁舟棹月情已醉始窮清源口壑
絕人境異春泉滴空崖萌草坼陰地久之風榛嶰遠聞樵教至海雁
時獨飛永然滄洲意古時青冥客滅跡淪一尉吾子躊躇心豈其紛
埃事緱峯信所剋濟北餘乃遂齊物意已會息肩理猶未卷舒形性
表脫畧賢哲議仲月期角巾飯僧嵩陽寺

同從弟南齋翫月憶山陰崔少府

高卧南齋時。開帷月初吐。清輝澹水木。演漾在窓戶。苒苒幾盈虛。澄澄變今古。美人清江畔。是夜越吟苦。千里其如何。微風吹蘭杜。

巴陵別劉虜士

劉生隱岳陽。心遠洞庭水。偃帆入山郭。一宿楚雲裏。竹映秋館深。月寒江門起。烟波桂陽接。日夕數千里。嬋嬋清夜猿。孤舟坐如此。湘中有來雁。雨雪候音旨。

宿裴氏山莊

蒼蒼竹林暮。吾亦知所投。靜坐山齋月。清谿聞遠流。西峯下微雨。向

鍾云能讀此以下二詩
方詩許者陶詩許作王孟

曉白雲收。遂解塵中組。終南春可遊。

齋心

女蘿覆石壁。溪水幽蒙籠。紫萸蔓黃花。娟娟寒露中。朝飲花上露。夜卧松下風。雲英化為水。光彩与我同。日月蕩精魄。寥廓天宇空。

江上聞笛

橫笛怨江月。扁舟何處尋。聲長楚山外。曲遠胡關深。相去萬餘里。遙傳此夜心。寥寥浦淑寒。響盡唯空林。不知誰家子。復奏邯鄲音。水客皆擁棹。空霜遂盈襟。羸馬望北走。遷人悲越吟。何當過草白。旌節隴城陰。

趙十四兄見訪

客來舒長簟。閣閣延清風。但有無弦琴。与君盡尊中。晚來嘗讀易。須者欲還嵩。世事何須道。黃精且養蒙。嵇康殊真識。張翰獨知終。忽憶鱸魚膾。扁舟往江東。

過華陰

雲起太華山。雲山互明滅。東峰始含景。了了見松雪。羈人感幽棲。宵映轉竒絕。欣然忘所疲。永望吟不輟。信宿百餘里。出關玩新月。何意昨來心。遇物遂遷別。人生屢如此。何以肆愉悅。

送李擢遊江東

清洛日夜漲。微風引孤舟。離觴便千里。遠夢生江樓。楚國橙橘暗。吳門烟雨愁。東南具今古。歸望山雲秋。

客廣陵

樓頭廣陵近。九月在南徐。秋色明海縣。寒烟生里閭。夜帆歸楚客。昨日渡江書。為問易名叟。垂綸不見魚。

宿京口江期劉春虛不至

霜天起長望。殘月生海門。風定夜潮滿。城高寒氣昏。故人何寂寞。久已乖清言。明發不能寐。徒盈江上樽。

答武陵田太守

仗劍行千里微軀敢一言曾為大梁客不負陵信恩

送張四

楓林已愁暮楚水復堪悲別後冷山月清猿無斷時

從軍行

烽火城西百尺樓黃昏獨上海風秋更吹羌笛關山月無那金閨萬里愁

琵琶起舞換新聲總是關山離別情撩亂邊愁彈不盡高高秋月照長城

大漠風塵日色昏紅旗半捲出轅門前軍夜戰洮河北已報生擒吐

谷渾

出塞

秦時明月漢時關萬里長江人未還但使龍城飛將在不教胡馬度陰山

西宮春怨

西宮夜靜百花香欲捲珠簾春恨長斜抱雲和深見月朦朧樹色隱昭陽

西宮秋怨

芙蓉不及美人粧水殿風來珠翠香誰分含情掩秋扇空懸明月待

沈云龍標絕句深情幽怨意旨微茫令人測之無端玩之無盡謂之唐人騷語可

沈云師勞力竭而功不成由將非其人之故故思飛將軍云

君王

長信秋詞

奉帝平明金殿開。且將團扇共徘徊。玉顏不及寒鴉色。猶帶昭陽日影來。

真成薄命久尋思。夢見君王覺後疑。火照西宮知夜飲。分明複道奉

恩時

青樓怨

白馬金鞍從武皇。旌旗十萬宿長楊。樓頭小婦鳴箏坐。遙見飛塵入建章。

沈云昭陽宮趙昭儀所居宮在東方寒鴉帶東方日影而來見已之不如鴉也優柔婉麗含蘊無窮使人一唱而三歎

沈云下分明二字寫

夢境入微

李四倉曹宅小飲

霜天留飲故情歡。銀燭金鑪夜不寒。欲問吳江別來意。青山明月夢中看。

聽流水調子

孤舟微月對楓林。分付鳴箏与客心。嶺色千重萬重雨。斷絃收与淚痕深。

梁苑

梁園秋竹古時烟。城外風悲欲暮天。萬乘旌旗何日見。平臺賓客有誰憐。

送魏二

醉別江樓橘柚香。江風引雨入船涼。憶君遙在瀟湘月，愁聽清猿夢裏長。

芙蓉樓送辛漸

寒雨連江夜入吳。平明送客楚山孤。洛陽親友如相問，一片冰心在玉壺。

沈云言已之不幸於宦情

丹陽城南秋海陰。丹陽城北楚雲深。高樓送客不能醉，寂寂寒江明月心。

重別李評事

莫道秋江離別難。舟船明日是長安。吳姬緩舞留君醉，隨意青楓白露寒。

盧谿主人

武陵谿口駐扁舟。谿水隨君向北流。行到荆門上三峽，莫將孤月對猿愁。

送柴侍御

沅水通波接武岡。送君不覺有離傷。青山一道同雲雨，明月何曾見兩鄉。

劉春虛

江南曲

美人何蕩漾。湖上風日長。玉手欲有贈。裴徊雙明璫。歌聲隨綠水。怨色起春陽。日暮還家望。雲波橫洞房。

暮秋揚子江寄孟浩然

木葉紛紛下。東南日烟霜。林山相晚暮。天海空蒼蒼。暝色況復久。秋聲亦何長。孤舟兼微月。獨夜仍越鄉。寒笛對京口。故人在襄陽。詠思勞今夕。江漢遙相望。

潯陽陶氏別業

陶家習先隱。種柳長江邊。朝夕潯陽郭。白衣來幾年。霽雲明孤嶺。秋

沈云前寫暮秋江景
寄浩然意於末四句
一點無限深情

水澄寒。天物象自清。曠野情何繇。連蕭蕭丘中。賞明宰非徒然。願守
黍稷稅歸耕。東山田。

登廬山峯頂寺

孤峰臨萬象。秋氣何高。清天際南郡。出林端。西江明山門。二緇叟。振
錫聞幽教。心照有無界。業懸前後生。徒知真機靜。尚与愛網并。方首
金門路。未遑參道情。

尋東谿還湖中作

出山更回首。日暮清谿深。東嶺新別處。數猿叫空林。昔遊有初迹。此
路還獨尋。幽興方在往。歸懷復為今。雲峯勞前意。湖水成遠心。望望

譚元春云清遠詩難得如此淹洽

沈云清絕高絕

已超越坐鳴舟中琴

寄閻防

青冥南山口。君与緇錫鄰。深路入古寺。乱花随暮春。紛紛對寂寞。往往落衣巾。松色空照水。經教時有人。晚心復南望。山遠情獨親。應以修往業。亦惟立此身。深林度空夜。炯月資清真。莫歎文明日。弥年傷隱淪。

送東林廉上人還廬

石溪流已乱。苔徑入漸微。日暮東林下。山僧還獨歸。常為爐峰意。况与遠公違。道性深寂寞。世情多是非。會尋名山去。豈復無清機。

闕題

道由白雲盡。春与青谿長。時有落花至。遠随流水香。閑門向山路。深柳讀書堂。幽映每白日。清輝照衣裳。

寄江滔求孟六遺文

南望襄陽路。思君情轉親。偏知漢水廣。應与孟家鄰。在日貪為善。昨来聞更貧。相如有遺草。一為問家人。

常建

送李十一尉臨溪

泠泠花下琴。君唱渡江吟。天際一帆影。懸離別心。以言神仙尉。目

沈云每事過求則當前妙境忽而不解領解此意方見其自然之趣
沈云不負死友古人交誼遺草中必無封禪書

致瑤華音回軫撫商調越溪澄碧林

送楚十少府

微風吹霜氣寒影流前除落日未能別蕭蕭林木虛愁烟閉千里仙尉其何如日送別雀探贈之雙鯉魚鯉魚在金盃別雀悲有餘心事則如此請君開素書

江上琴興

江上調玉琴一絃清一心泠泠七絃遍萬木澄幽陰能使江月白又令江水深始知枯桐枝可以徽黃金

宿王昌齡隱居

沈云言能使無情者俱有情也只寫琴鼓理不形容琴鼓龍標江上聞笛詩亦然

沈云清激之筆中有靈悟

清溪深不測隱處唯孤雲沈云高出林自有情不是尋常微景松際露微月清光猶為君茹亭宿花葉藥院滋苔紋余亦謝時去西山鸞雀羣

開齋卧雨行藥至山館稍次湖亭二首

旬時結陰霖簾外初白日齋沐清病容心魂畏虛室閑梅照前戶明鏡悲舊質同袍四五人何不來問疾

行藥至石壁春風變萌芽主人山門綠小隱湖中花時物堪獨往春帆宜別家辭君向滄海爛漫從天涯

仙谷遇毛女意知是秦宮人

谿口水石淺泠泠明藥鼓入谿雙峰峻松枯踈幽風垂嶺枝嬾嬾鬢

泉花濛濛。黃綠霽人。目路盡心。弥通盤石。橫陽岬前。流殊未窮。回潭清雲影。淋漓漫長天。空水邊一神女。千歲為玉童。羽毛經漢代。珠翠逃秦宮。目覩神已寓。雀飛言未終。祈君青雲祕。願謁黃仙翁。嘗以耕玉田。龍鳴西頂中。金梯与天接。幾日未相逢。

夢太白西峯

夢寐升九崖。杳靄逢元君。遺我太白峯。窸窣群垢氛。結宇在星漢。宴林閉氤氲。檐楹覆餘翠。巾寫生片雲。時注谿谷間。孤亭畫仍曛。松峯引天影。石瀨清霞文。恬目緩舟趣。靈心投鳥羣。春風又搖櫂。潭島花紛紛。

晦日馬鐙曲稍次中流作

夜寒宿蘆葦。曉色明西林。初日在川上。便澄遊子心。晴天無纖翳。郊野浮春陰。波靜隨釣魚。舟小綠水深。出浦見千里。曠然諧遠尋。扣絃應漁父。目唱滄浪吟。

西山

一身為輕舟。落日西山際。常隨去帆影。遠接長天勢。物象歸餘清。林昏巒分夕。飄亭亭碧流。暗日入孤霞。繼渚日遠陰。映湖雲尚明。霽林昏楚色。來岸遠荆門。閉至夜轉清。迥蕭蕭北風。厲沙邊雁鷺。泊宿處蕭蕭。設開圓月逗。前浦孤琴又。搖曳冷然夜。遂深白露霏。人袂

沈之步驟謝公

譚云至夜接得老

弔王將軍墓

嫖姚北伐時。深入幾千里。戰餘落日黃。軍敗鼓教死。嘗聞漢飛將。可奪單于壘。今与山鬼鄰。殘兵哭遼水。

題破山寺禪院

清晨入古寺。初日照高林。竹暎通幽處。禪房花木深。山光悅鳥性。潭影空人心。萬籟此俱寂。但餘鐘磬音。

三日尋李九莊

雨歇楊林東渡頭。永和三日盪輕舟。故人家在桃花岸。直到門前溪水流。

沈云通體幽絕

送宇文六

花映垂楊漢水清。微風林裏一枝輕。即今江北還如此。愁殺江南離別情。

李頎

塞下曲

黃雲雁門郡。日暮風沙裏。千騎黑貂裘。皆稱羽林子。金笳吹朔雪。鐵馬嘶雲水。帳下飲蒲萄。平生寸心是。

漁父歌

白首何老人。簑笠被其身。避世長不仕。釣魚清江濱。浦沙明濯足。山

月靜垂綸。寓宿湍。與瀨行歌。秋復春。持竿湘岸。竹。熬火蘆洲。新綠水。
飯香稻。青荷色紫鱗。於中還自樂。所欲全吾真。而笑獨醒者。臨流多
苦辛。

東郊寄萬楚

獲落久無用。隱身甘采薇。仍聞薄宦者。還事田家衣。潁水日夜流。故
人相見稀。春山不可望。黃鳥東南飛。濯足豈長往。一樽聊可依。然
潭上月。適我胃中機。在昔同門友。如今出處非。優游白席殿。偃息青
瑣闥。且有薦君表。當看攜手歸。寄書不待面。蘭茝空芳菲。

寄萬齊融

名高不擇仕。委世隨虛舟。小邑常嘆屈。故鄉行可遊。青楓半村戶。香
稻盈田疇。為政日清淨。何人同海鷗。搖巾北林夕。把菊東山秋。對酒
池風滿。向家湖水流。岸陰止鳴雀。山色映潛虬。靡靡俗中理。蕭蕭川
上幽。昔年至吳郡。常憶卧江樓。我有一書札。回之芳杜洲。

登首陽山謁夷齊廟

古人已不見。喬木竟誰過。寂寞首陽山。白雲空復多。蒼苔歸地骨。皓
首采薇歌。畢命無怨色。成仁其若何。我來入遺廟。時候微清和。落日
弔山兔。回風吹女蘿。石門正西豁。引領望黃河。千里一飛鳥。孤光東
逝波。驅車層城路。惆悵此岩阿。

沈云謁夷齊廟何容
後下譜語耶淡、着
筆風骨自高

語中精潔如

送王昌齡

漕水東去遠送君多暮情。淹留野寺出向背。孤山明前望。數千里中。無蒲稗。生夕陽。滿舟楫。但愛微波清。舉酒林月上。解衣沙鳥鳴。夜來蓮花界。夢裏金陵城。歎息此離別。悠悠江海行。

留別王盧二拾遺

此別不可道。此心當報誰。春風灞水上。飲馬桃花時。誤作好文士。只令遊官遲。留書下朝客。我有故山期。

古從軍行

沈云東川七言古比高岑多和緩之響

白日登山望烽火。黃昏飲馬傍交河。行人刁斗風沙暗。公主琵琶幽

沈云以人命換塞外之物失榮甚矣為開邊垂戒故作此詩

怨多。野雲萬里連城郭。雨雪紛紛連大漠。胡雁哀鳴夜夜飛。胡兒眼淚雙雙落。聞道玉門猶被遮。應將性命逐輕車。年年戰骨埋荒外。空見蒲桃入漢家。

緩歌行

小來託身攀貴遊。傾財破產無所憂。暮擬經過石渠署。朝將出入銅龍樓。結交杜陵輕薄子。謂言可生復可死。一沈一浮會有時。棄我翻然如脫屣。男兒立身須自強。十年閉戶頽水陽。業就功成見明主。擊鐘鼎食坐華堂。二八蛾眉梳墮馬。美酒清歌曲房下。文昌宮中賜錦衣。長安陌上退朝歸。五陵賓從莫敢視。三省官僚揖者稀。早知今日

讀書是悔作從前任俠非。

放歌行答從弟墨卿

小來好文恥學武。世上功名不解取。雖沾寸祿已後時。徒欲出身事明主。柏臺賦詩不及宴。長楸走馬誰相數。斂迹俛眉心自甘。高歌擊節。毅半苦。由是蹉跎一老夫。養雞牧豕城東隅。空歌漢代蕭相國。肯事霍家馮子都。徒尔當年毅藉藉。濫作詞林兩京客。故人斗酒安陵橋。黃鳥春風洛陽陌。吾家令弟才不羈。五言破的人共推。興來逸氣如濤湧。千里長江歸海時。別離短景何蕭索。佳句相思能間作。舉望魯陽山木葉。紛紛向人落。

送劉十

三十不官亦不娶。時人焉識道高下。房中唯有老氏經。樞上空餘少游馬。往來嵩華與函秦。放歌一曲前山春。西林獨雀引閑步。南澗飛泉清角巾。前年上書不得意。歸卧東山兀然醉。諸兄相繼掌青史。第五之名齊驃騎。烹葵摘果告我行。落日夏雲縱復橫。聞道謝安掩口笑。知君不免為蒼生。

送康洽入京進樂府

識子十年何不遇。只愛歡遊兩京路。朝吟左氏嬌女篇。夜誦相如美人賦。長安春物舊相宜。小苑葡萄花滿枝。柳色偏濃九華殿。鶯聲醉

五明集卷之五
二十五
殺五陵兒。曳裾此日從何所。中貴由來盡相許。白袂春衫仙吏贈。烏皮隱几臺郎。與新詩樂府唱堪愁。御伎應傳鳩鵲樓。西上雖曰長公主。終須一見曲陵侯。

別梁鎰

梁生個儻心不羈。途窮氣蓋長安兒。回頭轉盼似鷓鴣。有志飛鳴人豈知。雖云四十無祿位。曾與大軍掌書記。抗辭請刃誅部曲。作色論兵犯二帥。一言不合龍顏候。擊劍拂衣從此棄。朝朝飲酒黃公壚。脫帽露頂爭叫呼。庭中犢鼻昔嘗挂。懷裏琅玕今在無。時人見子多落魄。共笑狂歌非遠圖。忽然遣躍紫驕馬。還是昂藏一丈夫。洛陽城頭

曉霜白。層冰峨我滿川澤。但聞行路吟新詩。不歎舉家無擔石。莫言貧賤長可欺。覆篋成山自有時。莫言富貴長可託。木槿朝還看暮還落。不見古時塞上翁。倚仗由來任天作。去去滄波勿復陳。五湖三江愁殺人。

少室雪晴送王寧

少室眾峰幾峯別。一峰晴見一峯雪。隔城半山連青松。素色峨峨千萬重。過景斜臨不可道。白雲欲盡難為容。行人与我翫幽境。北風切切吹衣冷。惜別浮橋駐馬時。舉頭試望南山嶺。

送陳章甫

沈云結有世路風波
意非專言江湖難涉
也

如。蝟。毛。磔。黃。雲。隴。底。白。雪。飛。未。得。報。息。不。敢。歸。遼。東。小。婦。年。十。五。慣。
彈。琵。琶。寫。春。雨。今。為。羌。笛。出。塞。教。使。我。三。軍。淚。如。雨。

送劉昱

八。月。寒。葦。花。秋。江。浪。頭。白。北。風。吹。五。兩。誰。是。潯。陽。客。鸛。鷺。山。頭。宿。雨。
晴。揚。州。郭。裏。暮。潮。生。行。人。夜。宿。金。陵。渚。試。聽。沙。邊。有。雁。聲。

送郝判官

楚。城。木。葉。落。夏。口。青。山。轉。鴻。雁。向。南。時。君。乘。使。者。傳。楓。林。帶。水。驛。夜。
火。明。山。縣。千。里。送。行。人。蔡。州。如。眼。見。江。連。清。漢。東。迤。迤。遙。望。荆。門。相。
蔽。虧。應。問。襄。陽。舊。風。俗。為。余。騎。馬。習。家。池。

聽董大彈胡笳教兼寄語弄房給事

蔡。女。昔。造。胡。笳。教。一。彈。一。十。有。八。拍。胡。人。落。淚。向。邊。草。漢。使。斷。腸。對。
歸。客。古。戍。蒼。蒼。烽。火。寒。大。荒。沈。沈。飛。雪。白。先。拂。商。絃。後。角。羽。四。郊。秋。
葉。驚。撼。撼。董。夫。子。通。神。明。深。山。竊。聽。未。妖。精。言。遲。更。速。皆。應。手。將。注。
復。旋。如。有。情。空。山。百。鳥。散。還。合。萬。里。浮。雲。陰。且。晴。嘶。酸。離。雁。失。群。夜。
斷。絕。胡。兒。戀。母。聲。川。為。靜。其。波。鳥。亦。罷。其。鳴。烏。孫。部。落。家。鄉。遠。邏。娑。
沙。塵。哀。怨。生。幽。音。變。調。忽。飄。灑。長。風。吹。林。雨。墮。瓦。迸。泉。颯。颯。飛。木。末。
野。鹿。吻。吻。走。堂。下。長。安。城。連。東。掖。垣。鳳。凰。池。對。青。瑣。門。高。才。脫。畧。名。
去。利。日。夕。望。君。抱。琴。至。

寄鏡湖朱處士

澄霽晚流闊。微風吹綠蘋。鱗鱗遠峰見。淡淡平湖春。芳草日堪把。白雲心所親。何時可為樂。夢裏東山人。

送人歸河南

梅花今正發。失路復何如。舊國雲山在。新年風景餘。春饒漢陽夢。日寄武陵書。可即明時老。臨川莫羨魚。

送盧逸人

洛陽為此別。携手更何時。不復人間見。祇應海上期。清谿入雲木。白首卧茅茨。共惜盧敖去。天邊望所思。

望秦川

秦川朝望迥。日出正東峯。遠近山河淨。逶迤城闕重。秋殺萬戶竹。寒色五陵松。客有歸歎歎。淒其霜露濃。

寄司勳盧負外

沈云東川七言律故難與少陵右丞比。然自漢魏和正。故時代嘉。諸子奉為圭臬。又不善。只存膚面。宜指毛秋晴。水之。然回諸子。而痛。由川得無。同。益。廢。食。字。

流澌臘月下。河陽草色新年發。建章秦地立春傳。太史漢宮題柱憶。仙郎歸鴻欲度千門雪。侍女新添五夜香。早晚薦雄文。是者故人今已賦。長楊。

送魏萬之京

朝聞遊子唱驪歌。昨夜微霜初度河。鴻雁不堪愁裏聽。雲山況是客

王士正云同年劉吏部公
載云七律較五律多二字
耳其難什倍屢聞硬考祇
到七分若到十分滿古今
亦罕矣予竊喜其語曰思
唐宋以采為此辭者何翅
千百人求其十分滿者唯
杜甫李頎李商隱陸游及
明之空同滄溟二李數家
耳

中過關城樹色催寒近。御苑砧聲向晚多。莫見長安行樂處。空令歲月易蹉跎。

送李回

知君官屬大司農。詔幸驪山職事雄。歲發金錢供御府。晝看仙夜注離宮。千岩曙雪旌門上。十月寒花輦路中。不覩教名与文物。自傷流滯關東。

宿瑩公禪房聞梵

花宮仙梵遠微微。月隱高城鐘漏稀。夜動霜林驚落葉。曉聞天籟發清機。蕭條已入寒空靜。颯杳仍隨秋雨飛。始覺浮生無住著。頓令心地欲皈依。

地欲皈依

題璿公山池

遠公遯迹廬山岑。開士幽居祇樹林。片石孤峯窺色相。清池皓月印禪心。指揮如意天花落。坐卧開房春草深。此外俗塵俱不染。唯餘玄度得相尋。

宿香山寺石樓

夜宿翠微半。高樓聞暗泉。漁舟帶遠火。山磬發孤煙。衣拂雲松外。門清河漢邊。峰巒低枕席。世界接人天。靄靄花出霧。輝輝星映川。東林曙鶯滿。惆悵欲言旋。

送盧少府赴延陵

聞君從官所。何日府中趨。遙指金陵縣。青山天一隅。行人懷寸祿。小吏獻新畝。北固風濤險。南天風俗殊。春江連橘柚。晚景媚菰蒲。漠漠花生渚。亭亭雲過湖。灘沙映春火。水霧斂樯烏。回首東門路。鄉書不可無。

奉送五叔入京兼寄綦母三

雲陰帶殘日。惆別此何時。欲望黃山路。無由見所思。

寄韓鵬

為政心閑物自閑。朝看飛鳥暮飛還。寄書河上神明宰。羨尔城頭姑

射山

百花原

百花原頭望京師。黃河水流無盡時。秋天曠野行人絕。馬首東來知是誰。

遇劉五

洛陽一別梨花新。黃鳥飛飛逢故人。攜手當年共為樂。無驚蕙艸惜殘春。

綦母潛

冬夜寓居寄儲太祝

自為洛陽客。夫子吾知音。愛義能下士。時人無此心。奈何離居夜。巢
鳥悲空林。愁坐至月上。復聞南鄰砧。

春汎若耶溪

幽意無斷絕。此去隨所偶。晚風吹行舟。花路入谿口。際夜轉西壑。隔
山望南斗。潭烟飛溶溶。林月低向後。生事且湔漫。願為持竿叟。

題霍林寺

道林隱形勝。向背臨層霄。松覆山殿冷。花藏溪路遙。珊珊寶幡挂。焰
焰明燈燒。遲日半空谷。春風連上潮。少適水木興。暫令身心調。願謝
攜手客。茲山禪侶饒。

題招隱寺絢公房

開士度人久。空山花霧深。徒知燕坐處。不見有為心。蘭若門對壑。田
家路隔林。還言證法性。歸去比黃金。

題靈隱寺山頂禪院

招提此山境。下界不相聞。塔影挂清漢。鐘聲和白雲。觀空靜室掩。行
道衆香焚。且駐西來駕。人天日未曛。

若耶溪逢孔九

相逢此溪曲。勝託在烟霞。潭影竹間動。岩陰簷外斜。人言上皇代。犬
吠武陵家。借問淹留日。春風滿若耶。

王之渙

送別

楊柳東風樹。青青夾御河。近來攀折苦。應為別離多。

涼州詞

黃河遠上白雲間。一片孤城萬仞山。羌笛何須怨楊柳。春光不度玉

門關。

登鶴雀樓

白日依山盡。黃河入海流。欲窮千里目。更上一層樓。

張子容

沈云四語皆對讀去不嫌其排骨高故也

春江花月夜

林花發岸口。氣色動江新。此夜江中月。流光花上春。分明石潭裏。宜照浣紗人。

送孟浩然歸襄陽

東越相逢地。西亭送別津。風濤看解纜。雲海去愁人。鄉在桃林岸。江連楓樹春。回懷故園意。歸與孟家鄰。

閻防

晚秋石門禮拜

輕箬凌絕壁。招提謁金仙。舟車無由達。岸嶠乃屬天。躑躅淹景暝。夷

猶望新弦石門變暝色。谷口生人煙。陽雁叫平楚。秋風急寒川。馳暉
苦代謝。浮脆暫貞堅。永欲卧丘壑。息心依梵筵。誓將歷劫願。無以外
物牽。

百丈溪新理茅茨讀書

浪迹棄人處。還山自幽獨。始倚巢由蹤。吾其獲心曲。荒庭何所有。老
樹半空腹。秋蛩鳴北林。暮鳥穿我屋。栖遲樂遵渚。恬曠寔所欲。開卦
推盈虛。散帙攻節目。養閑度人事。達命知止足。不學東國儒。俟時勞
伐輻。

与永樂諸公夜汎黃河作

烟深載酒入。但覺暮川虛。映水見山火。鳴榔聞夜漁。愛茲山水趣。忽
与人世踈。無暇然官燭。中流有望舒。

鍾云用虛字妙

唐賢三昧集卷中

三
時
集
卷
之
三

三
三



